

خبرنگار محاکمه

جمعه ایرتسی

نومرو	جمادی الاول	سنه	کانون اول	سنه	صحیفه
۵۷۷	۸	۱۳۰۸	۸	۱۳۰۶	۸۳۵۱

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نسخه سی بنه مجیدیه یکر می غروش اولق اوزره یوز باره یه هر یرده صاتیلور . درج اولنه حق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارؤ .)
 (دائره سنده کائن جریده محاکم اداره سنه مراجعت ایلملیدر)

یوزغاد سنجانی بدایت محکمه سی مدعی عمومی
 معاونلکی محکمه تمیز ضبط کتبه سسندن و مکتب
 مذکور مأذونلرندن انور افندی به

یوزغاد سنجانی بدایت محکمه سی جزا دائره سی
 ریاستی لوله برغوس بدایت محکمه سی اعضا سندن
 و کذلک مکتب مزبور مأذونلرندن عبداللطیف
 افندی به

بغداد ولایتی بدایت محکمه سی رئیس اولکی
 محکمه مذکوره جزا دائره سی رئیس ناچی
 افندی به

قسم رسمی

توجیهات

انقره ولایتی استیناف محکمه سی مدعی
 عمومیلکی در سعادت استیناف محکمه سی باش کاتبی
 مکتب حقوق شاهانه مأذونلرندن حسین حسینی
 افندی به

منتشا سنجانی بدایت محکمه سی مدعی عمومی
معاونلکی مکتب حقوق شاهانه مأذونلرندن
خلیل خالص افندی به

قالیموز بدایت محکمه سی ریاستی قاربوط
بدایت محکمه سی رئیس محمد افندی به تفویض
بیورلمشدر .

بنی صعب قضاسی بدایت محکمه سی اعضاسندن
مستطق عبده العمر ومدعی عمومی معاونی وکیلی
پولیس حسن افندیلرک برقتل ماده سندن طولایی
مظنوناً موقوف بولنان قاقبله قریه لی احمد الجعیری
ایله برادری حسنی صالیویرمش اولمرندن ناشی
تحت محاکمه یه النملری خصوصه بیروت ولایتی
مدعی عمومیلکندن کوستریلان لزوم اوزرینه
عدلیه نظارت جلیله سنجه مأذونیت ویرلمشدر .

بکشری قضاسی بدایت محکمه سی اعضاسندن
اولوب برضرب ماده سنک تحقیقی ایچون عزیمت
ایلدیکی بکنمور قریه سنده مدعی شخصی سلیمان
نام کسه دن محکمه قرارینه مستند اولقسزین
خرج راه نامیله یکرمی محیدیه اخذ ایلدیکی
وقوعبولان اخبار اوزرینه بالتحقیق اکلاشیلان
ما کف افندیکنک تحت محاکمه یه التمسی خصوصه
قونیه مدعی عمومیلکندن کوستریلان لزوم اوزرینه
عدلیه نظارت جلیله سنجه مأذونیت ویرلمشدر .

موش بدایت محکمه سی مدعی عمومی معاونلکی
وکالتنده بولنان محکمه مذکوره اعضاسندن ایوب
افندیکنک جرح وغصب ماده لرندن طولایی مظنوناً
موقوف بولنان اشخاصدن ایبوی قوطی نام
کیمسه بی محلی مستطقلغندن برقرار ویرلمکسزین
خود بنجود کندی خط دستیله یازدینی تحریراته
صالیویرمش اولدینی جهتله بتلیس استیناف
مدعی عمومیلکندن کوستریلان لزوم اوزرینه

مومی الیهک تحت محاکمه یه التمسنه عدلیه نظارت
جلیله سنجه مأذونیت ویرلمشدر .

فاتسه قضاسی نائی و بدایت محکمه سی رئیس
عمر لطفی ومستطق قلیب وضابطه مأموری مومی
افندیلرک اخذرشوتله مأموریتلرینی سوء استعمال
ایلدکلری طربزون مدعی عمومیلکندن اشعار
ایدلسی اوزرینه رئیس ومستطق مومی الیهمانک
تحت محاکمه یه النملری خصوصه عدلیه نظارت
جلیله سندن اولجه مأذونیت اعطا ایلدیکی کبی
ضابطه مأموری مومی الیهک دخی تحت محاکمه یه
التمسی لزومی اختیار طرف عالی سرعسکری
ایله جریان ایدن محابره اوزرینه محله امر و اشعار
قلنمشدر .

(فی ۸ جمادی الاول سنه ۳۰۸ وفی ۸ کانون)
(اول سنه ۳۰۶ تاریخنده بالجمله استیناف)
(محکمه سی مدعی عمومیلرینه ومدعی عمومی)
(بولنمیان محللر مدعی عمومی معاونلرینه)
(یازیلان تحریرات عمومیه صورتیدر)

یدلرنده قیچاق توتون طوتلمسندن طولایی
محکوم اولدینی جزای نقدینک استیفاسیچون
ضبط وفروخت اولنان آلات وادوات اتمائی
محسوب اولندقدن صکره قاله حق مقداری ویره
میانلر حقننده اولنه حق معامله یه دائر انجمن
عدلیه دن تنظیم اولنان مذکوره نک لفیله استیدان
معامله بی شامل نظارتدن تقدیم اولنان تذکره
اوزرینه شورای دولت تنظیمات دائره سندن قلمه
النوب مجلس مخصوص وکلاده قرائت اولنان
مضبطله درمیان اولدینی وجهله بومقوله
اشخاصک رژی نظامنامه سی موجینجه التمش
برکون حبسی تقدیرنده فعل ایله جزا بیتنده
نسبت عادلله بولنه میه جغندن ذکر اولنان نظامنامه
حکمنجه محکوم اولدقلری جزای نقدی بی ایفا
ایتمیانلر قیچاقجیلر کماکان التمش برکوندن اوچ
سنه یه قدر حبس ایدلک اوزره محکوم اولدقلری
جزای نقدی بی قسماً تأدیه ایدنلرک مدت حبسلرینک

تأديت نسبتده تنزىل اولنمى ومثلاً يوز
غروش جزاى نقدى اعطاسنه محكوم اولوبده
بونى ويره مديكى جهتله التمش بركون حبسنه
حكم اولنانلر مبلغ مزبورك نصفى تأديه ايتدكلى
تقديرده ديكر نصفى ايچون وتوز وثلثانى تأديه
ايتدكلى حالده يكرمى كون حبس ايدملرى
مناسب اولمىله محاكمه اولوجهله تبليغات اولنمىك
نظارت عاجزى به اشعارى قرارلشد يرلش اولدينى
بيان عاليه سيله بر موجب قرار ايفاي مقتضاسى
باتذكرة ساميه امر واشعار بيورلش وكيفيت
صورت عموميه ده هر طرفه تبليغ واشعار اولندينى
كى اشبو تحريرات عموميه نك نسخ مطبوعه
كافيه سى دخى لفا ارسال قلمش اولديغندن دائرة
مأموريت بهيه لرى داخلنده بولنان محاكمه
برمنوال محرر ايفاي معامله به اعتنا اولنمى
سياقنده شقه ترقيمه ابتدار اولندي .

(محكمه تميز جزا دائرة سنك فى ۵ جاذى الاول)
(سنه ۳۰۸ وفى ۵ كانون اول سنه ۳۰۶ تاريخ)
(وايكى بيك يوز سكسان بش نومرولى)
(اعلامك صورتيدر)

سيواس ولايتى استيناف محكمه سى جزا
دائرة سنك فى ۱۲ جاذى الاخر سنه ۳۰۶
وفى ۱ شباط سنه ۳۰۴ تاريخلى ويوز يكرمى
طقوز نومرولى اعلامى اوراق متفرعه سيله برابر
باش مدعى عمومىك مأموريت عليه سندن فى ۱۹
ذى الحجه سنه ۳۰۷ وفى ۲۳ تموز سنه ۳۰۶
تاريخلى وسكر يوز سكسان نومرولى تبليغنامه
ايكه محكمه تميز جزا دائرة سنه اعطا قلمغله مطالعه
اولندي .

مذكور اعلامك خلاصه مالى مصطفى چاوشك
كرمى سى نير نام بكر بالغه ي جبرا قاجىروب بكرينى
ازاله ايلمك ماده سندن طولاي جنايتله اتهام
اولنان قير بيق اوغلى چودار حسينك قانون
جزانك ايكيوز التنجى ماده سنه توفيقاً درت سنه
مدتله كوركه قونل سنه وجاهاً ومرقومه معاونت
ايدن على وولينك دخى التيشرماه مدتله حبسلرينه
غيباً قرار ويرلديكى حاوى اولوب تبليغنامه ده
دخى اعتراضه محل كورينه مديكى بيان اولنمشدر

قسم غير سيمى

(اوچيوزالتى سنه سى ذى الحجه سنك وتوزيجى)
(كونه مصادف اولان اوچيوز بش سنه سى)
(اغستوسنك اون التنجى چهارشنبه كونى)
(يوسفان خاننده ساكن تجاردين عواديس)
(بشيريان افنديك اوطة سى اچيله رق قاصه سنك)
(قيرلسنه تشبث ايدلش اولمى سندن طولاي)
(مظلون عليهم بولنان اندون موحيان وكرقور)
(ولد بقوص وحايق ولد اميريان وستراق)
(ماطوسيان نام شخصلرك اجرا فلنان محاكمه)
(عليه لرى ضبطنامه سى صورتندن مابعد)
(ايكنجى محاكمه)

بر موجب قرار سبق ايدن اشعار اوزرينه
مذكور مقاوله نامه ايله عواديس بشيريان وستراق
ماطوسيان بيلرنده كى بونو دعواسنه دائر اولان
محكمه تجارت اعلامى و دائرة امانتده محفوظ
اولان ايكى عدد ريولور كوندريله رك مدعى
شخصى مرقوم بشيريان عواديس افنديك برادرينك
كيفيت وفاتندن طولاي متهملردن حايقك تحت
مسئوليه التديغه دائر دائرة استنطاقده اوراق
بولنمدينى بدايت مدعى عمومىك سندن بيلد يرلش
ودعوت ايدىلانلردن بوليس احمد افندى ايله

اوراق سائر دخی قرآنله جنایت حکمندن طولاي
تدقیقات تمیزیه اجرا اولندقدده قزك حسين
طرفندن اولاً جبراً قاجيرل كدن صكره نشانلىسى
احمد نكاح اولندينى بيان ايدلمكده ومؤخراً
مرقوم حسين ايله قز نكاح مذكورى انكار ايله
انجق حسینه نكاح ايدلديكى ادعا اولمى سنه نظراً
اول امرده نكاح مسئله سنك حلى ايچون محكمه
شرعيه به حواله كيفيته كرك احمد وكرك حسيندن
قغيلىك نكاحى مقدم وصحيح اولدينى وقغيلىكى
مؤخر وابطل ايدوكى بروجه شرعى حكم اولنه رق
صادر اوله جق اعلام شرعى مضمونه كوره
حقوق عموميه جهتك حل اولنمى لازمه دن
ايكن بوجهته كيدلامسى و برقاچ ماده به تطبيق
(وجنحه ايله تجريم) وبعده جنائتله تحديد
محازات اولنمى اساساً اصول محاكمه ي محل
اسباب نفضيه دن اولديغندن اصول محاكمات جزائيه
قانونك اوچ يوز اون دردنچى ماده سى موجبجه
اعلام مذكورك نفضيه ونقض اعلامى خرجى
اولان ايكيوز غروشك بالتحصيل محكمه تميزه
ارسالى لزومه فى ۲۹ اغستوس سنه ۳۰۶
تاريخنده قرار ويرلدى .

قهوه چی واسیل ورود ایتمک لرندن لدی التدقیق
بونلردن احمد افندینک پولیس سلکندن طرد
ایدیلرک اقامتگاه اخیری معین اولدینی وقهوه چی
واسیل نامه کوندرلش اولان جلبنامه زیری
اطناش اندونیو نامنده بر شخص طرفندن امضا
ایدلرکنندن مرقوم حقننده دخی معاملات
تبلیغه نك یولیه ایضا ایدلماش بولدینی ا کلا-
شیلوب یالکز متهملردن موخیان کر قور طرفندن
مدت نظامیه سی طرفنده ویریلان استدعاده
اسملری محرر اولان مدافعه شاهدلری قهوه چی
خاچیک وقوندره چی اغوب کلش اولملریله سنه
مرقومه ایلولنک سکنزنجی جمعه ایرتسی کونی
متهملر قانون داره سنده توقیفخانه دن کتور یلرک
بونلردن ستراق ماطوسیانک اخیراً انتخاب
وتوکیل ایتش اولدینی دعوی وکیللرندن طنغر
سیمون و دیگرلرینک وکیل متخیلری خطر
وخاچیک افندیلر موکلرینک یانلرنده اولدقاری
ومدعی عمومی معاونلرندن مصطفی ومدعی
شخصی بشریان عوادیس وکیلی حمدی افندیلر
دخی حاضر بولسدقاری حالده علناً اجرای
محاکمه یه دوام ایدیلرک هیئت محکمه جه وقو-
عبولان تبدله مبنی ضبط سابق لدی القرائه
مندرجانی حقنده طرفینک بر دیه جکری اولدینی

ا کلاشلدقندن صکره دائره امانندن کوندرلش
اولان ریولورلر متهملره ارا نه اولدقده مرقوملندن
ستراق ماطوسیان بونلردن بری کندوسنک ایسه ده
اونه کنی طانیمدینی و دیگرلری دخی کندولرنده
ریولور بولنمدینی بیسان ایدیلر ذکر اولسان
مقاوله نامه تدقیق ایدلرکده بونک ارمنی العبارة
اولدینی ومندرجاتنک دخی بشریان عوادیس
افندینک قاصه سنده بوله بیله جکری میلنی
یتلرنده متساویاً تقسیم ایتک وشو جراتلرینک
جمله سی نردنده مکثوم طوتملق اوزره زیره کی
امضا صاحب لرینک مقاوله ایتش اولدقاری
وکندولرندن بشقه بر رفیقاری دها بولندینی
میین وزیر دخی حایق امرحان و کر قور
موخیان و ستراق ماطوسیان و کر قور حاجی
عوادیس امضالری متضمن اولمغله ومدافعه
وکیللرندن سیمون افندی مقاوله نامه نك یازوسیله
ستراق ماطوسیان امضاسندن بشقه دیگر امضالرک
یازولری بر قلمدن چیقمش اولدینی ا کلاشلمقده
بولدینی بیسان ایتکله کندو طرفندن یازلدینی
بیان ایتدیکی مقاوله نامه نك تدقیق ایدیلان
ورقه اولوب اولدینی وامضالرک کیمک طرفندن
ونه صورتله قونلدینی متهملردن حایقندن صورلدقده
کچن محاکمه افاده ایتش اولدینی وجهله مدعی

شخصی عوادیس بشریان افندینک اغضال
واضراری اوزرینه یازیچی کر قورک ویردیکی
مسوده یه باقرق یازدینی مقاوله نامه حضور
محکمه ده تدقیق ایدیلان ورقه اولدینی وزیرنده کی
امضالردن حایق امضاسی کندو طرفندن وضع
ایدلش و کر قور حاجی عوادیس امضاسی دخی
مرقوم یازیچی کر قور جانبسندن قونلش اولوب
ستراق ماطوسیان امضاسی دخی اوصرده
ورود ایدن مورده یان کر قور طرفندن یازلدینی
وحتی مرقوم موزه یان کر قورک ستراق ماطوسیان
امضاسی وضع ایتسندن کندوسی شبهه ایدرک
یازدینی مذکور مقاوله نامه یی استرداد ایتک
ایستکله مدعی شخصی عوادیس بشریان افندی
کندوسی تأمین ایچون الی لیرالق برسند ویرمش
وبوسنده دائره استتطاقده اراز ایدلش اولدقندن
اوراق میاننده محفوظ اوله جنی طبیعی بولنمش
اولدینی سویلد یکندن اوراق دعوا یه مراجعتله
ذکر اولان سند تحری ایدلش ایسه ده بولنه
میهرق دائره استتطاقده بوکی اوراقک حفظنه
مخصوص اولان قاصه ده ایقونلش اولدینی
ا کلاشلدی ورود ایتش اولان مدافعه شاهدلری
اصولی دائره سنده تحلیف واستاع اولدقارنده
هرایکسی دخی متهملردن موخیان کر قورک

کچن سنه اغستوس ابتداسنده قومشولری
انتراکینک خانه سنده خسته لهرق اون بش کون
قدر اوراده یاندقندن بر مدته خسته خانه ده
قالدقندن صکره توقیف ایدلش اولدینی بیسان
ایتملریله مدافعه شاهدلرندن اولوب ملکترلرینه
کتمش اولدقاری جهته کتور دیله میان غردیان
علی وعبد الرحمن اغالرک جلبلرینی طلب
ایتمکدن مقصدی نه ایدوکی متهم مرقوم موخیان
کر قورندن صورلدقده تحقیقات ابتدائیه
اجرا قلندینی صرده قومیسر سلیمان افندی
کندوسی صویه رق صغوقده براققی صورتیله
تضییق ایتش اولدینی اثبات ایچون مرقومان
غردیان علی وعبد الرحمن اغالرک جلبلرینی طلب
ایتش اولدینی ومحبوسیندن نقاش اغوب وصمانچی
علینک دخی بوبایده معلوماتلری بولندینی افاده
ایلدی مدعی شخصی وکیلی حمدی افندی کچن
محاکمه ده بیسان ایتدیکی وجهله موکلی بشریان
عوادیس افندینک برادری وفاتسندن اول
بطریقخانه یه کیدرک کتجداجرچس افندی حاضر
اولدینی حالده بونلرک کندی علمهنده خرسز
قومپانیه سی تشکیل ایتش اولدقارندن بخله بیان
شکایت ایتش و بوکادار غزته یه برده ورقه ویرلش
اولدینی و برده مقدما موکلی بشریان عوادیس

افندی مملکتده بولندی صروده مرقوم نامه
ورود ایدن جلبنامهیه متهملردن حایقک بشیریان
عوادیس امضاسنی قومش اولدیغی محکمه تجارتده
نابت اولدیغی بیان ایدرک اولباده کی تجارت
اعلامیه طریق غزته سنک بیک طقوز یور الی
یدی نومرولی نسخهنی و سریانی قدیم پتر بقخانه سی
قبو کتخداسی چر چس امضالی برده ورقه بالا عطا
بونلرک محکمه تجارتدن کتوردیلان دیگر اعلام
ایله برلکده قرائت ایدلمنی طلب یتکده اولدیغی
ولدی السؤال متهم حایق دخی عوادیس بشیریان
افندی نامه ورود ایدن جلبنامه یی اولوجهله
امضالمش ایسه ده بو حرکتی او طه ده حاضر بولنان
مرقومک برادری متوفی کر قورک امری اوزرینه
وقوعبولش اولدیغی بیان ایتدکری صروده
ساعت اونبره تقرب ایتش و بناء علیه محاکمه یه
دوام ایدلمی غیر قابل اولدیغدن توسیع تحقیقات
ضمننده متهملردن حایقک افاده سنده مذکور
اولان سنک دائره استنطاقدن کتوردلمسده و ورود
ایتمیان قهوه جی واسیلک پولیس واسطه سیله
تحریر و جنبه و موحیان کر قورک بیان ایتدیکی
محبوسیندن نقاش اغوب و صمانجی علینک جلب
واستماعلرینه و محکمه تجارتدن کتوردیلان اعلام
ایله مدعی شخصی و کیلی حمدی افندی عطا

(اوچنجی محاکمه)

بر موجب قرار مذکور سنک دائره استنطاقدن
کتیر دیلوب دعوت ایدیلانلردن نقاش اغوب
ایله صمانجی علی حبسخانه عمومی مدیریتدن
کوندلمش و قهوه جی واسیلک دخی مملکتده
کتدیکی پولیس مدیریت علیه سنک جواب ایلدیرلمش
اولغله ماه مزبورک یکر می ایکنجی جمعه ایرتسی
کونی متهملر قانون دائره سنکده توقیفخانه دن کتور
دیلرک بونلردن موحیان کر قورک و کیلی خاجیک
افندی و قوع وفانه مبنی مدافعه سی ستراق
ماطوسیانک و کیلی سیمون افندی طرفندن درعهده
ایدلمش و دیگر لرینک و کیلی خطر افندیکنک
معذرتدن طولانی انلره دخی کندولرینک طلب
و موافقتی اوزرینه قصبار افندی وکیل تعیین
اولمش ایدوکنندن مومی الیها اوراق دعوائی
بالمطالع مدافعه لرینی استحضار ایتش اولدق لرینی
بیان ایتدکنصکره موکلرینک یانلرنده بولندق لری
و مدعی عمومی معاونی مصطفی افندی دخی حاضر

اولدیغی حالده علناً اجرای محاکمه دوام ایدیلرک
هیئتجه وقوعبولان تبدله مبنی ضبط سابق
لدى القرائه مندرجاتی حقنده طرفینک بر دیه جکری
اولدیغی اکلاشدق دن و دائره امانتدن کتوردلمش
اولان سند دخی نظر تدقیق دن کچورلدکنصکره
مرقومان نقاش اغوب و صمانجی علی محبوسیندن
بولندق لری جهته بلاتحلیف استماع اولندق لرینه
هرایکسی دخی توقیفخانه ده بولندق لری صروده
برکون متهملردن موحیان کر قورک لاجل الاستجواب
پولیس دائره سنه چاغرملغله مرقوم ارقه سنکده بالطو
اوله رق کتمش اولدیغی حالده عودتنده ارقه سنکده
بالطوی کوره مدکرینی افاده ایلدیر قهوه جی
واسیلک دائره استنطاقده ضبط ایدلمش اولان
افاده سیله مدعی شخصی و کیلی حمدی افندی
طرفندن محاکمه سابقه ده ویرلمش اولان اوراق
قرائت ایتدیرلکده بونلردن افاده مآلی قهوه
خانه سی دائماً غلبه لک بولندیغی جهته کندوسنه
ارائه ایدیلان حایق و موحیان کر قور و سائرینی
طایفه میه جفی طبعی بولندیغی و اوراق مرقومه دن
محکمه تجارت اعلامنک خلاصه مندرجاتی دخی
ستراق ماطوسیانک بشیریان عوادیس افندی
علینه افاده ایلدیکی بونو دعواسنک انشای
رؤیتنده مرقوم عوادیس بشیریان افندی مذکور

(در دنجی محاکمه)

ماه مزبورک یکر می در دنجی بازار ایرتسی
کونی متهملر قانون دائره سنکده توقیفخانه دن
کتوردیلرک معاون و وکیلان مومی الیهم حاضر
بولندق لری حالده علناً اکال محاکمه یه ابتدایله
تحقیقاتک بوندن عبارت ایدوکی بیان اولندقه
معاون مومی الیه مصطفی افندی مرقومونک
مابه الا تهملری اولان فعل سرقه جرأتلری
احوال موجوده یله تحقق ایتدیکندن مجرمیتلرینه
قرار ویرلمنی و مدعی شخصی و کیلی حمدی افندی
دخی دلائل موجوده یی تعدادیله حق شخصیلرینک
تحت حکمه النمسنی ادعا و مدافعه وکیللرندن

قصه پار افندی دخی موکلرینک ادعا اولنسان
سرقه فملنه جرات ایتدکری بولنردن اندونک
اوطه دروننده طوتلمسی و الده بولنان مقاوله -
نامه ده دخی حایقک امضاسی بولنمسی ایله ثابت
اولدینی بیان ایدلمکده اولوب حالبوکه مرقوم اندون
ایشیدیکی کورلتی اوزرینه بشیریان عوادیس افندینک
اوطه سی اوکنه کتدیکی زمان دردست ایدلمش
و مذکور مقاوله نامه نکه نه صورتله ونه مقصده
مستنداً تنظیم ایدلیدیکی حتی حایقک افاده سندن
اکلاشمقده بولنمش اولدینی و بومقاوله نامه نکه
صورت ترتیبه نظراً بونده بر مقصد خنی اولمق
لازم کلوب بوده مدعی شخصی بشیریان عوادیس
افندی میدان برسرقه فعلی حیقاره رق وفات
ایتمش اولان برادرینک حصه سندن استفاده ایتک
قضیه سی اولدینی والحاصل احوال موجوده
ادعا ایدلیدیکی وجهله حکم ایچون کفایت ایدر
درجه ده بولنمدینی و سیمون افندی دخی
موکلرندن موحیان کر قورک مدعی شخصی
بشیریان عوادیس افندینک اوطه سنده بولنمسی
ایشیدیکی کورلتی اوزرینه کتمش اولمسه مستند
اولوب مذکور مقاوله نامه ده کی امضانک مرقوم
موحیان کر قورک امضاسنه بکریوز دینلمسی
دخی اسباب حکمیه دن معدود اوله میسه جفی

طرفینک ادعا و مدافعانک استماعندن و اوراق
تحقیقه نکه مطالعه و تدقیقندن صکره ایجاب کیفیت
لدی المذاکره مدعی شخصی بشیریان عوادیس
افندینک قاصه سنده بوله بیه جکری ایچینه
سرقه و بینلرنده تقسیم ایده جکری نه دایر تنظیم
ایدلمش اولوب الده ایدیلان مقاوله نامه ده
متملردن حایق ایله موحیان کر قورک امضالری
موضوع اولمسه و بولنردن حایق مذکور مقاوله
نامه ده بولنسان امضانک کندو امضاسی اولدینی
اعتراف ایتمکده بولنمدینی کی دیگر امضانک دخی
مرقوم موحیان کر قورک امضاسی ایدوکی هیئت

استکتابیه طرفندن اعطا ایدلمش اولان راپورته
قطعاً بیان ایدلمکده بولنمسه و روسیه لی اندونک
مدعی شخصی بشیریان عوادیس افندینک اوطه سی
دروننده و قاصه بی قیرمق اوزره بولنمدینی بر
زمانده دردست ایدلیدیکی قومیسر شعبان و حمدی
وافراددن راسم افندیلرک اخبارات محلفه لرندن
اکلاشیلوب شو حالده مذکور مقاوله نامه ده
کندولرندن بشقه اموال مسروقیه حصه دار
اوله جفی بیان ایدیلان شخصک مرقوم روسیه لی
اندون اولدینمده شبهه قالماسنه مرقوموندن
حایق ذکر اولنان مقاوله نامه نکه مدعی شخصی
بشیریان عوادیس افندینک اثر ترتیب و تصنیی
اولدینی بیان ایله تأویل حقیقت ایتک ایستور
ایسه ده جمله اخبار اتدن اولدینی وجهله متملردن
روسیه لی اندون ایله موحیان کر قورک مدعی
شخصی بشیریان عوادیس افندینک اوطه سی الت
مخصوصه ایله اچهرق بالدخول قاصه بی قیرمق
تشبثده اولدیلری و حایقک دخی اوطه خارجنده
کوزجیلک ایتمکده بولنمدینی حالده دردست ایدلمش
اولمیرینه نظراً مذکور مقاوله نامه نکه اثر فعلیسی
کورلمش اولوب بناءً علیه مرقوم حایقک مذکور
مقاوله نامه بی بشیریان عوادیس افندینک ترتیب
و تصنیع ایدیکنه و موحیان کر قورک دخی ایشیدیکی

کورلتی اوزرینه کیدوب اوطه خارجنده دردست
ایدلیدیکنه دایر اولان افاده لری شایان الثبات اوله مامغله
برابر بویولده تأویل حقیقه قالمشملری علیه لرنده
استعمال ایدیله جک دلائلدن اولمسه مبنی متهم
روسیه لی اندون و موحیان کر قور و حایقک تأویل
وافکارلری واهی و بونقطه لره منحصر بولنسان
مدافعات دخی اسباب مسروده ایله مردود
اولوب مرقومونک تنظیم اولنسان مقاوله نامه
موجبجه یوسفیان خاندنه ساکن تجارندن بشیریان
عوادیس افندینک اوطه سنی انختار ایله اچوب
قاصه سی قیرمغه تشبث ایتدکری تحققی ایتدیکندن
اتفاق ارا ایله مجریمترینه و ستراق ماطوسیانه
کلنجه مرقوم علیه سنده حاصل اولان احوال
یالکز مذکور مقاوله نامه ده بولنسان امضانک
ستراق یازوسنه مشابهی مسئله سی اولوب شو حال
مرقوم فعل مذکورده دیگرلرینه اشتراک
ایدلیدیکی حکم ایچون درجه کفایه ده کوریه میهرک
تجریمنده اکثریت قانونیه حاصل اوله مدیغندن
برائت ذمیه سبب آخره مبنی موقوف دکل
ایسه تخلیه سیلنه قرار ویریلهرک اولیابده تنظیم
ایدیلان قرار نامه علناً قرائت اولندقدن معاون
مومی الیه مصطفی افندی مرقومونک قانون جزانک
ایکیوز اوتوزنجی ماده سی ذیلی موجبجه ایکیوز

يکرمنجي ماده سنه توفيقاً تعين مجازاتي و وکيلان مومي اليهما دخی تخفيف جزا ريني طلب ايتلر يله مذاکره او طه سنه عودت اولندی .

جهت جزائیه لری دخی تذکر اولند قدسه مرقومون روسیه لی اندون و موحیان کرقور و حایقک حرکتلری قانون جزانک ایکیوز اوتوزنجی ماده سی ذیلی موجبجه ایکیوز یکرمنجی ماده سنه موافق اولدیغنه و ذکر اولنان ذیل و ماده ده دخی فعل سرقتک اجرا سنه تصدی اید و بده ید اختیارنده اولیان اسباب مانعه حیلولیه برشی اله مامش اولان خرسزلر حقنده تصدی ایلدیکی فعلک درجه سنه کوره سرقت جزاسی اجرا اولتور هر نه قدر انسان اقامت ایدر محل اولسه و یا خود مسکون محله متعلق بولنسه بیله قیلی و دیوار ايله محدود اولان محللرک دیوارینی دله رک و یا زردبان ايله آشهرق و یا آلت مخصوصه ايله قیوسی اچهرق خرسزلق ایدنلر موقتاً کورکه قونیلور دیو محرر بولندیغنه مبنی مذکور ذیل و ماده احکامنه توفیقاً وابتدای توقیف لری اولان اوچیوز یدی سنه سی محرمک ایکنجی کونندن اعتباراً بعدالتشهر اوچر سنه مدته کورکه قونملرینه ضبط و اعلام واستنطاق

خرجلری اولان درت یوز سکسان غروشک متساویاً مرقوموندن بالتحصیل عدلیه وزنه سنه تسلیم ایتدیرلسنه اوچ یوز سکر سنه سی صفرینک یکرمی ایکنجی کونه مصادف اولان اوچ یوز الی سنه سی ایلونک یکرمی دردنجی کونی متفقاً قرار ویر یله رک قانونک ارائه و تعریف ایلدیکی وجهله اصول تفهیمی اجرا و معاملات سائر دخی ایفا قلندی .

فی ۱۳ تشرین ثانی سنه ۳۰۶

(اوچیوز درت سنه سی نیساننک اون برنجی)
(بازار ایرتسی کونی ساعت اون برنجی راده لرنده)
(طاطاولده ارغاد باشی یوسفی ضرب و جرح)
(ایدرک مرقومک اثر جرحدن وفات ایتسندن)
(طولانی متهم اولوب مقدما بالحا که بشر سنه)
(مدته کورکه قونملرینه حکم اولنان قوچو)

(واستاوری ولفتر و انسطاش نام شخصلرک اجرا)
(قلنان محاکمه علنیه لری ضبطنامه سی صورتیدر)

اوچیوز درت سنه سی نیساننک اون برنجی بازار ایرتسی کونی ساعت اون برنجی راده لرنده طاطاولده ارغاد باشی یوسفی ضرب و جرح ایدرک مرقومک اثر جرحدن وفات ایتسندن طولانی متهم اولوب مقدما بالحا که بشر سنه مدته کورکه قونلرینه حکم اولنان قوچو واستاوری ولفتر و انسطاش حققرنده محاکمه جنایتندن ویریلان اعلامک اسباب قانونیه مبنی نقض ایلدیکنه دائر محاکمه تمیز جزا دائره سنک فی ۱۹ اغستوس سنه ۳۰۵ تاریخلی و ۱۱۶۷ نومرولی اعلامی اوراق متفرعه سیله فی ۲۸ اغستوس ۳۰۶ تاریخنده محاکمه جنایته تودیع اولنمغله بالمطالعہ اصول محاکمات جزائیه قانوننک اوچیوز قرقنجی ماده سنه توفیقاً مرقومون سنه مذکور ایلونک اوننجی کونی حبسخانه عمومیدن کتوردیلرک مؤخرأ بالانتخاب وکیل تعیین ایتدکلری خاچیک افندی یانلرنده اولدینی و مدعی عمومی معارفی مصطفی افندی حاضر بولندیغنی حالده محاکمه علنییه بالابتدار قانون مزبورک ایکیوز التمش دردنجی و ایکیوز التمش بشنجی

ماده لری مدلولاتی بعد الاخطار محاکمه تمیز اعلامی ضبط کاتی شوکت افندی به قرائت ایتدیرلدی .

مذکور اعلامک مالی طیب راپورتنده مقتولک بر عدد جریحه دن متأثراً وفات ایتدیکی کوسترلیدیکی حالده محاکمه جه اشخاص مرقومه مک شوايشده درجه تعبداتی تعیین اولنمقسزین بو جریحه ایچون جمله سنک قاتل مشترک عد اولنمسی و اعلامک مجرمیت قرارینک اسباب موجب سی صره سنده یوسفک المش اولدینی جریحه لرندن وفات ایتدیکی محرر اولوب بونک ایسه سالف الذکر جریحه نک بر اولمسندن ناشی معاینه راپورته ونفس الامر موافق کسور یله مامسی و برده متهملردن قوچونک بعدالوفات ایشی اکلامق اوزره مرکز کتمش اولدیغنی سوبلیدیکی اعلامده مندرج ایکن بوجهت پولیس افندیلردن سؤال اولنمیه رق مسکوت عن براغلمسی نقض حکمی مستلزم اسباب قانونیه دن اولدیغندن اعلام مذکورک نقضنه و نقض اعلامی خرجی اولان ایکیوز غروشک اخذینه قرار ویرلیدیکی متضمندر .

بو بابده کی مطالعه سی معاون مومی الیه مصطفی

افندیدن صورلدقده محکمه تمیزاعلامنده کوستریلان
نواقضك لزوم اكمالی درمیان ایتمکه دعوت
واقعه اوزرینه ورود ایدن قومیسر حسین حامی
و پولیس یاقو و عباده افندیلر بعدالتحلیف منفرداً
و مواجۀه استماع اوندققلرنده بونلردن حسین حامی
افندی مستخدم بولندینی طاطاوله مرکزنده
اوفق بروقه اولسه برچوق شخص رجا ایتک
ایچون مرکز کلدکلی مثللو وقعه کونی دخی
مخروج بولنان کردلر مرکزده بولندققلری
صرهده برچوق اهالی کله رک دردست ایدیلان
اشخاص ایچون رجاده بولندققلری ائشاده
مخروج اولان کردلر اهالی میاننده بولنان
متمملردن قوچونک جارحیلردن اولدیغنی
سویلملرله مرقومی طوتدیردققلرینی افاده

مابعدی وار

اعلان

اورته کوبده انبارلی دردهه میخالا کینک
باغنده باغچیلق ایدن احد و محمد و ابراهیمک لیلان
کلبه لرینه بالدخول مرقوموندن احدی جرح
ایتدیکی ادما سبیله مظنون علیه اولان اورته
بویلی الا کوزلی و اوزونجه یوزلی اوتوز بش
یاشنده خلیل بن موساک فرار ایتسندن وحقنده
اجرا قلنسان تحقیقات اوزرینه هیئت اتهامیه دن
جنابله اتهامه قرار و برلسندناشی اصول محاکمات
جزایه قانونسک اوچبوز یتش برنجی ماده سی
مجبجه معامله لازمه قانونیه و محاکمه علنیه
غیایه سی بالایضا قانون جزانک یوز یتش یدنجی
ماده سی منظوقجه اوج سنه مدله کورکه قولسندنه
واوتوز برنجی ماده قانونیه حکمجه حقوق
مدنیه دن بالاسقاط اموالنک مجزیه محکمه جنایتدن
غیاباً حکم اولمش و مذکور اصول محاکمات
جزایه قانونسک اوچبوز یتش یدنجی و اوچبوز
یتش سکرنجی و اوچبوز سکسان برنجی ماده لرله
مواد سارهمی احکامنه توفیق مامله اولشمی

مرجعنه بیلدیرلش اولمقله اعلان کیفینه
ابتدار قلندی

ایتدیر یله جکی بک اوغلی بدایت محکمه سی اجرا
مأموریتی جانبندن اعلان اولتور

فی ۲ جاذی الآخر سنه ۳۰۸
وفی ۱ کانون ثانی سنه ۳۰۶

فی ۲ کانون ثانی سنه ۳۰۶

کوسه اوغلی یورکینک بااعلام الاجنی بولنان
مبالغک تأمین استیفاسیچون تحت حجزه النان
کوچک بازار جاده سنده واقع تقریباً اوتوز ایکی
ارشون اون سکر پارمق عرصه اوزرینه مبنی
فوقنده بر اوطه یی حاوی اون اوج نومرولی بر
باب دکانک ملک و کدکندن نصف حصه سیله
حاجه قادین جاده سنده واقع یوزاون ایکی ارشون
یکرمی پارمق عرصه اوزرینه مبنی فوقنده بر
اوطه و برصوفه وارقه جهتنده تقریباً یوز یکرمی
بر ذراع باغچه و دروننده برقیو و بر ابدستحانه یی
محتوی طقسان نومرولی بر باب اخشاب دکانک

عزتلو نوری بکک ۲۰۲ نومرولی اعلام
موجبجه صراف میساقه و درسعادت بدایت
محکمه سی اعلامی موجبجه احمد افندی یه دینی
اولان معلوم المقدار مبالغک تسویه سی ضماننده
قاسم پاشاده اہم احمد افندی محله سنده باپاس
کو پریمی جاده سنده سکر نومرولی بر باب خانه
ایله یه جاده مذکورده اون نومرولی بر باب
قهوه و اون ایکی نومرولی بر باب خانه متصرف
اولدینی نصف حصه شایع لرینک تاریخ اعلاندن
اعتباراً اونبش کون صکره بلزایده فروخت

كذلك ملك وكذا كندن نصف حصه سى بوندن
اقدام مزايديه قونيله رى بونلردن مذكور اون
اوج نومرولى دكانك نصف حصه سى ايراي عثمانى
يوزغروش حسابيله بشييك يديوز وطقسان
نومرولى دكانك نصف حصه سى دخى كذلك
التي يك بشيوز غروشه طالبلى عهده سنده
تقرر ايامش اولديغندن موقتاً قرارداد كشيده
قلنمش اولغلاه بوندن زياده يه يعنى يوزده بش
ضميله طالب اولنلرك تاريخ اعلاندن اعتباراً
اوتوز بركونه قدر دائريه مراجعتله پى سورملرى
لازم كله جكي ومدت مذكور ك انقضاسى متعاقب
قرار قطعيسى كشيده قلنه جغندن ضم قبول اولنميه جنى
در سعادت اعلامات نظاميه اجراء اترسندن اعلان
اولنور .

في ٥ كانون ثاني سنه ١٣٠٦

موجبنجه الاجقارى اولان مبالغ معلومه نك تأمين
استيفاسى ضمننده مديون مرقومك عهده سنده اولوب
مرهون وفروختى محكوم بولنان مدينه اسكداره تابع
مالنيه قريه سنده اسكى واپور اسكله سى نام محله واقع
فوقانى تختانى بش او طه وايكى صفه وايكى كنيف وبر
مطح وبركورلك وبرير او طه سى وتحميناً يتمش
سكر ذراع باغچه يي و باغچه دروننده كار كير مسكرات
مغازه سى وبر عدد بئرماني مشتمل بر باب ملك
منزل بوندن اول مزايديه قونيله رى ليرا يوز
غروش حسابيله اون يدي بيك غروش بدل ايله
طالبى اوزرنده تقرر ايتمش اولديغندن يوزده
بش ضميله طالب اولنلرك اشيو تاريخ اعلاندن
اعتباراً اوتوز بركون طرفنده در سعادت اعلامات
شرعيه اجرا دائره سنده مراجعت ايلملرى مدت
مذكوره ختامندن صكره طالبى عهده سنده معامله
فراغيه سى اجرا قلنه جنى دائره مذكور دن
اعلان اولنور .

في ٧ كانون ثاني سنه ١٣٠٦

فريقان كرامدن مرحوم ابراهيم ادهم پاشا
ورثه سلك تبعه دوات عليه نك روم ملتندن هاجى
واسيل ذمتندن قسمت عسكرى محكمه سندن ويريلان
٤ ذى الحجه سنه ١٣٠٦ تاريخلى بر قطعه ادانه حجتي